



UITGEWERS
PUBLISHERS

Tafelberg
Human & Rousseau
Queillerie
Kwela
Pharos
Best Books
Lux Verbi
Melinda Ferguson Books

8 Julie 2020

Beste skrywer/medewerker

Soos jy reeds weet, oorweeg Media24 die herstrukturering van sy koerant- en tydskrifafdelings weens Covid-19. Die pandemie het sirkulasie- en advertensie-inkomste verder geknou en die jare lange agteruitgang van gedrukte media, asook die oorgang na 'n toenemend digitale omgewing (plaaslik sowel as internasionaal), verhaas. Die onafwendbare gevolg is die afskaling van titels en vermindering van personeel. Personeelvermindering is uit die aard van die saak 'n pynlike proses, maar dit stel Media24 as geheel in staat om finansiële volhoubaarheid te bly, met goeie vooruitsigte vir die toekoms.

NB-Uitgewers word nie deur die herstrukturering geraak nie en gaan onveranderd voort, nou deel van 'n meer vaartbelynde, sterker Media24. Ons het aan die begin van die pandemie dadelik aanpassings gemaak om kostes te bespaar en ons volhoubaarheid en sukses in die toekoms te verseker. Dié aanpassings het ingesluit operasionele veranderinge, die vries van alle aanstellings buiten die mees noodsaaklike, die opskorting van salarisverhogings vir vanjaar, en die hersiening van ons sakeplan aan die hand van die verwagte uitwerking van Covid-19 op die ekonomie. Ek noem graag dat ons die boekjaar op 'n goeie noot begin het wat sake vir die eerste kwartaal tot 30 Junie betref.

Die veiligheid en gesondheid van ons personeel, skrywers, vryskutmedewerkers en medelandsburgers bly ons hoofprioriteit. Ons personeel sal vir die afsienbare toekoms van die huis af bly werk, en ons sal voortgaan om sosiale media en ander digitale bemarkingsmetodes te gebruik in plaas van tradisionele boekbekendstellings en -geleenthede.

Die NB-span bly positief, toegewyd en oplossingsgedrewe. Ons strewende is om in hierdie onseker tye 'n gelukkige en veilige tuiste aan al ons skrywers te bied.

Positiewe nuus is dat president Ramaphosa die gebrekkige Wysigingswetsontwerp op Outeursreg terugverwys het na die parlement. Dit is danksy deurlopende pogings van die Kopieregalliansie, waarvan NB-Uitgewers 'n aktiewe stigterslid is. Die Alliansie, 'n groep skrywers, uitgewers, musici, komponiste, musiekmaatskappye, kunstenaars, ens., het hom daarvoor beywer dat die skeppende bedrywe se stem gehoor moet word, en 'n versoekskrif ingedien dat die president nie die wetsontwerp onderteken nie. Ons sal alles in ons vermoë doen om te verseker dat die uiteindelijke Wet op Outeursreg ons bedryf en ons skrywers beskerm.

Heerengracht 40 Kaapstad, 8001 | Posbus 879, Kaapstad 8000 | www.nb.co.za
40 Heerengracht Cape Town, 8001 | P O Box 879, Cape Town 8000 | www.nb.co.za
Tel: +27 (0) 21 406 3033 | Faks / Fax: +27 (0) 21 406 3812

NB-Uitgewers is 'n afdeling van Media24 Boeke (Edms) Bpk | Reg. Nr. 1953/000037/07
NB Publishers is a division of Media24 Boeke (Pty) Ltd | Reg. No. 1953/000037/07

Direkteure / Directors: O Lalbahadur, E Wessels (Besturende Direkteur / Managing Director), EM Ashton, M Patel, LJ Klink (Sekretaris / Secretary)

Ons wens jou gesondheid en sterkte toe in hierdie onseker tye. Indien jy enige vrae het, is jy welkom om my of ons Uitgewersbestuurder, Marga Stoffer, of jou uitgewer te kontak.

Vriendelike groete

A handwritten signature in black ink, appearing to read 'Eloise Wessels', with a stylized flourish at the end.

Eloise Wessels

Besturende Direkteur: Media24 Boeke